

心定學者不可執文偏悟便墮空亡而無證果能悟之者仙佛合宗之旨見矣

悟得真空實性者方能調此真息息不能調終難大定

本是以心主宰而定息息不調不定卽是心性不定何以至于合道 傳大士云六年雪嶺爲何因大定調和氣與神一百刻中都一息方知大道顯三乘

人能卽此息而離此息斯可入滅盡定矣

卽息而離息是萬法歸一一無歸之說同旨滅盡者心無生滅息無出入得真大定也

咳

道藏輯要

仙佛合宗語錄

三

畢集一

警醒後學仙佛聖真之辭也

滅盡定而後能出定

未入到滅盡定而妄出仙宗謂之走丹佛宗謂之入魔皆非所謂出定而亦無神通可顯正有退墮之危險宜防慮者

神通境界向上正有還虛合道之旨在

滅盡生滅出入之定是所當出出而神能通達無障礙不爲六塵所障礙而不通此真神通方能上天入地六通十通百千萬億無所不通此證還虛合道之至極處

六問曰藥火之說紛紛不知所以信受一云神是火炁是藥以神馭炁卽以火鍊藥此言神炁二也二云火卽是藥藥卽是

火此言火藥不分神炁一也一云採時謂之藥鍊時謂之火意若神炁皆可言藥皆可言火三說何不同耶答曰同又問言句似異而理旨何同答曰皆以神馭炁也採時氣回神中神炁合一而同升同降得藥矣則謂之藥也可即得汞之物而名真鉛者是也

凡言真鉛言真汞言真息皆仙道中合一二者之全而言真是二者不合一不可言真只是凡息凡鉛凡汞而已

鍊時神歸炁穴神炁混融而同行同住有火矣則謂之火也可即得鉛之物而名真汞者是也

真鉛者即身中所採取歸根之精炁也真汞者即心中配合

道藏輯要

仙佛合宗語錄

五

畢集一

精炁而為採取烹鍊主之神也蓋言汞中有鉛則曰真鉛鉛中有汞則曰真汞如是妙義世所不知故丘真人云白日同行晚來同眠同卧正言神炁不相離之說

總是二物交併歸一矣

李玉谿云以神馭炁為採藥以炁合符為行火皆言神炁合同行同住之說

謂藥謂火為一為二何所不可

靈寶度人經元始天尊云令此神炁妙合太空空體自然不屬陰陽自無生死升入無形克證道位方名得道

我有一詩子其悟之詩曰汞言火藥總皆非

非火藥而強喻名火藥者乃聖真示人神炁之妙用而發明之者也二者本宜合一故聖真每併一而言之

日月齊輪御炁飛

凡日喻神月喻炁日月有同度而行之時神炁有相隨而行相依而住之理然神本無在有知時而似有炁本有在無相時卽似無有無不同者不相合必因呼吸之氣而合之故仙聖皆喻以火鍊藥非此必不能使神炁合亦不能行能住如法也邱真人云運行周迴自有逕路不得中氣斡旋則不轉故我曰御炁飛

子並後升天上去午曰前降地中回

道藏輯要

仙佛合宗語錄

三

畢集一

純陽真君曰子後午前定息坐夾脊雙輪崑崙過卽此所言子時神炁相並從後升上午時神氣同于前降下而循環

歷辰十二皆留伏

十二者身中之時也皆者言神炁當火候之時行則皆行當火候留伏而住之時住則同住

灌頂三雙獸轉移

灌頂者取元精真一之水逆回升上而灌注於頂也此卽採藥之說佛宗諸菩薩修行每一處說法談經必先以水灌頂皆同此妙喻奈何僧總不知不究使佛教爲虛設矣蓋由不除淫掃去欲界離欲梵行雖見其說竟置之無用之地故也

三雙者尾閭王枕夾脊三關及脊骨兩傍皆一竅謂之黃赤
二道三關皆有雙竅故曰三雙默轉移者神炁從三關雙竅
中默轉循環也

古聖強名爲火藥不離神炁自相隨

卽是凝神入炁穴一句了卻仙佛大修行事

七問曰請問古喻如猫捕鼠之義答曰以性攝情以神召炁之
喻爲然也彼猫捕鼠時四足踞地寂然存不動之勢

此心專意誠卽呂仙翁所謂齋戒等候一陽生之旨

兩眼熟視凝然俟擒鼠之專

謹防當面錯過之義

道藏輯要

仙佛合宗語錄

三

川上

畢集一

故陰符經云機在目

卽楞嚴經云佛阿難所云若不知心目所在則不能降伏魔
勞

又云長生久視佛所云正法眼藏皆此義也

皆言機在目之義此文正合仙佛之所同者

究此所云寂然不動者以待通可不似知白守黑知雄守雌於
百日關中者乎

此仙家之語謂知金之白者出於水之黑者之中則待黑中
發生白時而採白也雄是陽卽腎水中之元精炁雌是陰喻
腎水也下句重言上句之義